

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

----- 2010 թվականի N----- -Ա

ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՀԻՄՆԱԴՐՄԱՆԸ  
ՄԱՍՆԱԿՅԵԼՈՒ  
ՄԱՍԻՆ

Ղեկավարվելով «Բաժնետիրական ընկերությունների մասին» Հայաստանի Հանրապետության օրենքի 10-րդ հոդվածի 4-րդ և 12-րդ հոդվածի 5-րդ մասերով՝ Հայաստանի Հանրապետության կառավարությունը որոշում է.

1. «ՎԻԼԼԱՇԻՆ» սահմանափակ պատասխանատվությամբ ընկերության հետ համատեղ հիմնադրել փակ բաժնետիրական ընկերություն:

2. Սահմանել, որ փակ բաժնետիրական ընկերության գործունեության առարկան է՝

1) արտադրական և այլ կեղտաջրերի մաքրման տեղային (լոկալ) կայանների ներմուծում, արտադրություն, տեղադրում, սպասարկում,

2) արտադրական և այլ կեղտաջրերի մաքրման տեղային (լոկալ) համակարգերի նախագծում, շինարարություն,

3) ջրօգտագործողների համար սահմանային թույլատրելի արտահոսքերի (ՄԹԱ) նախագծերի մշակում,

4) օրենքով չարգելված այլ գործունեություն:

3. Ընդունել ի գիտություն, որ փակ բաժնետիրական ընկերության կանոնադրական կապիտալը կազմում է 100000 դրամ, որը բաժանված է 10 հասարակ (սովորական) բաժնետոմսի, 10000 դրամ անվանական արժեքով, իսկ Հայաստանի Հանրապետությանը պատկանող բաժնետոմսերը կազմում են ընկերության ընդհանուր բաժնետոմսերի 40 տոկոսը:

4. Հայաստանի Հանրապետության բնապահպանության նախարարին Հայաստանի Հանրապետության կողմից հաստատել ընկերության հիմնադիր պայմանագիրը, կանոնադրությունը և ընկերության ստեղծման համար անհրաժեշտ այլ փաստաթղթերը,

ինչպես նաև ընկերությունում հանդես գալ Հայաստանի Հանրապետության անունից:

5. Փակ բաժնետիրական ընկերության բաժնետոմսերի կառավարման լիազորությունները վերապահել Հայաստանի Հանրապետության բնապահպանության նախարարությանը:

ՀՀ բնապահպանության նախարար Արամ Հարությունյան

Տ Ե Ղ Ե Կ Ա Ն Ք Հ Ի Մ Ն Ա Վ Ո Ր ՈՒ Մ

ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅԱՆ ՍՏԵՂԾՄԱՆԸ

ՄԱՍՆԱԿՑԵԼՈՒ

ՄԱՍԻՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

ՈՐՈՇՄԱՆ ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ

ՎԵՐԱԲԵՐՅԱԼ

Հայաստանի Հանրապետությունում կա արտադրական կեղտաջրերի և այլ կեղտաջրերի մաքրման տեղային (լոկալ) կայանների անհրաժեշտություն: Սակայն չկա այդպիսի կայանների նախագծմամբ, շինարարությամբ, ներմուծմամբ, արտադրությամբ, տեղադրմամբ, սպասարկմամբ զբաղվող մասնագիտական կազմակերպություն: Պետական մասնակցությամբ նշված գործունեությամբ զբաղվող ընկերությունը նպատակ ունի վերացնելու այդ ոլորտի բացը:

Փակ բաժնետիրական ընկերության ստեղծմանը մասնակցելու  
մասին Հայաստանի Հանրապետության կառավարության որոշման  
նախագծի ընդունումը կնպաստի բնապահպանական որոշակի  
խնդիրների լուծմանը:

ՀՀ բնապահպանության նախարար Արամ Հարությունյան